



陶淵明集卷第九

集聖賢群輔錄上八目四

明由曉升級

宋均曰級等差政所先後也

必育受稅俗

宋均曰受

賦稅及徭役所宜施為也

成博受古諸

宋均曰古諸侯職等也

隕丘

一作

受延嬉

宋均曰延嬉與也主受此錄也

右燧人四佐燧人出天四佐出洛

宋均曰出

天天所生也洛地所生也

金提

一作

主化俗

宋均曰為民除災害也

鳥明主建福

宋

日福利

視默主災惡

宋均曰為民除災害也

紀通為中職



宋均曰為田仲起為海陸
地蕪統海也陽侯為

江海宋均曰主江海
事一本作江湖

右伏羲六佐六佐出世宋均曰宓戲不

佐出世人

風后受金法宋均曰金法言天老受天籙宋均

命也五聖受道級宋均曰級知命受糾俗宋均

也正窺紀受變復宋均曰有禍地典受州絡宋均

也維絡力墨受準斥宋均曰準斥凡事

右黃帝七輔州選舉翼佐帝德自燧人

四佐至七輔見論語摘輔象

重 該 脩 熙

右少昊四叔實能金木及水使重為勾

芒該為蓐收脩及熙為玄冥世不失職

遂濟窮桑見左傳蔡墨辭

羲仲 羲叔 和仲 和叔

右羲和四子孔安國云即堯之四岳分

掌四岳諸侯鄭玄云堯既分陰陽為四

時命羲仲和仲羲叔和叔等為之官又

主方岳之事是為四岳見鄭尚書注

伯夷為陽伯樂舞侏離 義仲之後為義伯樂舞

誓哉歌 棄為夏伯樂舞武漫哉歌 日南陽 義叔

之後為義伯樂舞將陽 咎繇為秋伯樂舞蔡

零 和仲之後為和伯樂舞末歸 垂為冬伯

落 樂舞丹鳳一曰齊落 歌曰齊樂一曰綴

右八伯自義和死後分置八伯舜既即

位元祀巡狩每至其方各貢兩伯之樂

大傳冬伯後闕一人鄭玄云此上下有

脫辭其說未聞十有五祀後又百工相

和而歌慶雲八伯稽首而進者也見尚

書大傳

謹堯 共工 鯀 三苗

右四凶

蒼舒 隕斨 檮戲 大臨 龍降 庭堅

仲容 叔達

右高陽氏才子八人齊聖廣淵明允篤

誠天下之民謂之八凱

伯奮

仲堪

叔獻

季仲

伯虎

仲熊

叔豹

季狸

右高辛氏才子八人忠肅恭懿宣慈惠和天下之民謂之八元從四凶至此悉見左傳季文子辭

禹作司空

棄作稷

契作司徒

皋陶作士

益作朕虞

垂作共工

伯夷作秩宗

龍作納言

夔作典樂

右九官舜登帝位所選命見尚書

皋陶

雄陶

方回

續牙

伯陽

東不訾

或云不識

秦不虛

或云秦不空

靈甫

右舜七友並為歷山雷澤之游戰國策顏斮云堯有九佐舜有七友而尸子只載雄陶等六人不載靈甫皇甫士安作逸士傳云視其友則雄陶方回續牙伯陽東不訾秦不空靈甫之徒是為七子與戰國策相應

禹

稷

契

皋陶

益

右舜五臣見論語已列九官中

禹

稷

契

皋陶

伯夷

垂

益

夔

右八師見楚辭七諫

伯夷

禹

稷

右三后伯夷降典制民惟刑禹平水土

主名山川稷降播種農殖嘉穀三后成

功惟殷于民漢太尉楊賜曰昔三后成

功皐陶不與焉蓋吝之也見尚書甫刑

植

後漢書

微子

箕子

比干

右殷三仁論語曰微子去之箕子為之

奴比干諫而死孔子曰殷有三仁焉

伯夷

太公

右二老尚書大傳曰太公避紂居東海

之濱皆率其黨曰盍歸乎吾聞西伯昌

善養老此二人者蓋天下之大老也往

而歸之是天下之父歸之也天下之父

歸之其子曷往孔融曰西伯以二老開
王業

闕天

太公望

南宮适

散宜生

右文王四友尚書大傳云闕天南宮适
散宜生三子學于太公望望曰嗟乎西
伯賢君也四子遂見西伯於姜里孔子
曰文王有四臣丘亦得四友此四人則
文王四隣也

伯達

伯适

仲突

仲忽

叔夜

叔夏

季隨

季駟

右周八士見論語賈逵以為文王時鄭
玄以為成王時也

伯邑考

武王發

管叔鮮

周公旦

蔡叔度

曹叔振鐸

霍叔武

邾叔處

康叔封

聃季載

一本無邾叔處有毛叔圍

右太姒十子太史公曰太姒十子周以
宗強見史記

周公旦

邵公奭

太公望

畢公

毛公

閔公

太顛

南宮适

散宜生

文母

太妣也 宋本作如

右周十亂見論語其四人已列四友

秦公牙

吳班

孫尤

大夫冉贛

公子麋

右五王並能相馬尸子曰古有五王之

相廼謂之王其貴之也

狐偃

趙衰

顛頡

魏武子

司空季子

右晉文公從亡五人叔向曰三十七年

有士五人見左傳及晉太尉劉琨詩曰

重耳憑五臣

奄息

仲行

鍼虎

右三良子車氏之子秦穆公沒要以從

死詩人悼之為賦黃鳥見左傳毛詩

子展賦草蟲

子罕

子西賦黍苗

子駟

子產

賦隰桑

子國

公孫段賦桑扈

子豐

伯有賦

鶉之賁賁

子良孫子耳子

子太叔賦野有蔓草

子游子孫子

子矯

印段賦蟋蟀

子印孫子張子

右鄭七穆謂之七子鄭穆公子十有一

人罕駟豐印遊國良七人子孫並有才

名世任鄭國之政以免晉楚之難謂之

七穆叔向曰鄭七穆氏其后亡乎及諸

侯為宋之盟鄭伯享趙武于垂隴七卿

皆從文子曰七卿從君以寵武也請皆

賦以卒君既亦以觀七子之志見左傳

又吳質書云趙武過鄭七子賦詩

仲孫穀文伯

獻子莊子孝伯信子懿子武伯

叔孫得臣莊叔

穆子昭子成子武子文子

季孫行父文子

武子悼子平子桓子康子

右魯桓公之曾孫世秉魯政號曰三桓

孔子曰三桓之子孫微矣見論語左傳

趙無恤襄子

趙襄始為卿至無恤四世

范吉射昭子

士會始為

卿至吉射五世

智瑤襄子

荀首始為卿至瑤六世

荀寅文子

荀林父始為卿至寅四世

魏多襄子

魏絳始為卿至多四世

韓不

信簡子

韓厥始為卿至不信四世

右六族世為晉卿並有功名此六人寔弱晉國淳于越云卒有田常六卿之臣劉向亦曰田常復見於今六卿必起於漢見左傳史記漢書

儀封人

荷蕢

晨門

楚狂接輿

長沮

桀溺

荷蓀丈人

一作伯夷叔齊虞仲夷逸朱張柳下惠少連

右作者七人論語曰賢者避世其次避

地其次避色其次避言孔子曰作者七人見包氏注董威贊詩曰洋洋乎盈耳哉而作者七人

德行

顏淵

閔子騫

冉伯牛

仲弓

言語

宰我

子貢

政事

冉有

季路

文學

子游

子夏

右四科見論語

顏回

子貢

子路

子張

右孔子四友文王有胥附奔奏先後禦侮謂之四隣孟懿子曰夫子亦有四隣乎子曰吾有四友焉自吾得回門人益親是非胥附乎自吾得賜遠方之士日至是非奔奏乎自吾得師前有光後有輝是非先後乎自吾得由惡言不至於門是非禦侮乎見孔叢子

顏回

冉仲弓

子路

宰我

子貢

伯牛

公西華

右六侍仲尼志意不立子路侍儀服不脩公西華侍禮不習子貢侍辭不辯宰我侍亡忽古今顏回侍節小物冉伯牛侍曰吾以夫六子自厲也見尸子

檀子

盼子

黔夫

種首

右齊威王彊場四臣齊威王與魏惠王會田於郊魏王問威王曰王有寶乎威王曰無有魏王曰若寡人國雖小猶有

徑寸之珠照前後車各十二乘者十枚
柰何為萬乘之國而無寶乎威王曰寡
人之所以為寶與王異吾臣有檀子者
使守南城則楚人不敢為寇東取泗上
十二諸侯皆來朝吾臣有盼子者使守
高唐則魏人不敢東漁於河吾臣有黔
夫者使守徐則燕人祭北門趙人祭西
門徙而從之者七十餘家吾臣有種首
者使備盜賊則道不拾遺以此為寶將

以照千乘豈直十二乘哉魏惠王慙不
懌而去見史記及春秋後語

齊孟嘗君田文

魏信陵君無忌

趙平原君趙勝

楚春申君黃歇

右戰國四豪見史記

太子少傅留文成侯韓張良

相國鄼文終侯沛蕭何

楚王淮陰侯韓信

右三傑漢高祖曰此三人人之傑也見

漢書

園公

姓園名秉字宣明陳留襄邑人常居園中故號園公見陳留志

綺里季

夏黃公

姓崔名廓字少通齊人隱居脩道號夏黃公見崔氏譜

角里

先生

右商山四皓當秦之末俱隱上洛商山

皇甫士安云並河內軹人見漢書及皇

甫謚高士傳

太子太傅踈廣字仲翁

宣帝本始四年魏相為御史大夫薦廣於霍光

年六十以元康三年告退年六十七

太子少傅踈受字公子

廣兄子也

右二踈東海人宣帝時並為太子師傅

每朝太傅在前少傅在後朝廷以為榮

授太子論語孝經各以老疾告退時人

謂之二踈見漢書

重合令子輿

居宋里

櫟陽令子羽

居東觀里

東海太守子仲

居宜唐里

兗州刺史子明

居西商里

潁陽令子良

居遂與里

右郡次曹掾汝南周燕少卿之五子號

曰五龍各居一里子孫並以儒素退讓
為業天下著姓見周氏譜及汝南先賢
傳

龔勝字君賓

龔舍字君倩

或曰長倩

右並楚人皆治清節世號二龔見漢書

唐林字子高

唐尊字伯高

右並沛人亦以潔履著名於成哀之世
號為二唐比楚二龔後皆仕王莽見漢
書左思曰二唐潔已乃黜乃汚

平阿侯王譚

成都侯王商

紅陽侯王章

曲陽侯王根

高平侯王逢時

右並以元后弟同日受封京師號曰五
侯並奢豪富侈招賢下士谷永樓護皆
為賓客時人為之語曰谷子雲之筆札
樓君卿之唇舌言出其門也見漢書張
載詩曰富侈擬五侯

北海逢萌字子康

北海徐房字平原

李曇字子雲

平原王遵字君公

右皆懷德穢行不仕亂世相與為友時人號之四子見後漢書嵇康高士傳

求仲 羊仲

右二人不知何許人皆治車為業控庶逃名世一作蔣元卿之去兗州還杜陵荆棘塞門舍中有三逕不出惟二人從之游時人謂之二仲見嵇康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建威大將軍好時愨侯扶風耿弇字伯昭

執金吾雍奴威侯上谷寇恂字子翼

征西大將軍陽夏節侯潁川馮異字公孫

征南大將軍舞陽壯侯南陽岑彭字君然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯穎川王霸字元伯

左中郎將朗陵愍侯穎川臧宮字君翁

驃騎大將軍櫟陽侯馮翊景丹字孫卿

驃騎大將軍參蘧侯南陽杜茂字諸公

建議大將軍萬侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜成侯漁陽王梁字君嚴

衛尉安城忠侯穎川姚期字次兄

左馮翊安平侯漁陽蓋延字巨卿

捕虜將軍揚虛侯南陽馬武字子張

驍騎將軍昌城侯鉅鹿劉植字伯先

左將軍阿陵侯南陽任光字伯卿

豫章太守中水侯東萊李忠字仲都

左將軍槐里侯扶風萬脩字君游

琅邪太守祝阿侯南陽陳俊字子昭

積弩將軍昆陽威侯穎川傅俊字子衛

揚化將軍合肥侯穎川堅鐔字子伋

右河北二十八將光武所與定天下見
後漢書張衡東京賦云受鉞四七共工
以除

武威太守梁統字仲寧

金城太守康鈞字巨公

張掖太守史苞字叔文

酒泉太守竺曾字巨公

焯煌太守辛彤字大房

右河西五守是時更始已為赤眉所害

庚

隗囂密有異志統等五人共推竇融為
河西大將軍內撫吏民外禦寇戎東伐
隗囂歸心世祖克建功業見後漢書及
善文

大鴻臚韋孟達

上黨太守公孫伯達

河陽長魏仲達

右扶風平陵人同時齊名世號三達孟
達名彪丞相賢五世孫明帝時人見漢
書及決錄

光祿大夫周舉

光祿大夫杜喬

光祿大夫周栩

尚書樂巴

青州刺史馮羨

兗州刺史郭遵

太尉長史劉班

侍御史張綱

右八使漢順帝時政在權官官以賄成

周舉等議遣八使循行風俗同日俱發

天下號曰八使見張璠漢紀

平輿令韋順字叔文

歷位樂平相去官以琴書自娛不應三公之命後為

平輿令吏民立祠社中

順弟武陽令豹字季明

友人羅陵犍為縣丞卒官喪柩流離豹棄官致

喪歸比辟公府輒棄去司徒劉愷尤敬之

豹弟廣都長義字季節

少好學不求榮利四十

化以兄喪去官比辟公府不就廣都為立生祠焉

右清河太守韋文高之三子皆以學行

知名時人號韋氏三君見京兆舊事

楊震字伯起

以太常為司徒遷太尉

震子秉字叔節

以太常為太尉

秉子賜字伯獻

以光祿勳為公再司徒一太尉

賜子彪字文先

以大中大夫為公一司徒一太尉

右楊氏四公弘農華陰人自孝安至獻帝七世父子以德業相繼為三公見續

漢書

素安字邵公

以太僕為司空遷司徒

安子敞字叔平

以光祿勳為司空

敞子湯字仲河

以太僕為司空遷司徒

湯子逢字周陽

以屯騎校尉為司空

逢弟隗字次陽

以太常為司空

右素氏四世五公見續漢書

處士豫章徐穉字孺子

京兆韋著字休明

汝南素閔字夏甫

彭城姜肱字伯淮

潁川李曇字子雲

右太傅汝南陳公時為尚書令與諸尚書悉名士也共薦此五人時號五處士

見續漢書及善文

周子居

黃叔度

艾伯堅

邳伯向

封武興

盛孔叔

右汝南六孝廉太守李俵選此六人以
應歲舉受版未行俵死子居等遂駐行
喪俵妻於柩側下帷見之厲以宜行子
居嘆曰不有行者莫宣公不有止者莫
卹居於是與伯堅即日辭行封黃四人
留隨柩車見杜元凱女戒

大將軍槐里侯扶風平陵竇武字游平天下忠誠竇游

平
太傅高陽鄉侯汝南平輿陳蕃字仲舉天下義府陳仲

侍中河間樂成劉淑字仲承天下德弘劉仲承

右三君

少傅潁川襄城李膺字元禮天下模楷李元禮

司空山陽高平王暢字叔茂天下英秀王叔茂

太僕潁川陽城杜密字周甫天下良輔杜周甫

司隸校尉沛國朱寓字季陵天下水凌朱季陵

尚書會稽上虞魏朗字少英天下忠貞魏少英

沛國潁陰荀彗字伯條天下好交荀伯條

大司農博陵安平劉祐字伯祖天下稽古
太常蜀郡成都趙典字仲經天下才英

右八俊

有道太原介休郭泰字林宗天下和雍

太常陳留圉夏馥字子治天下慕恃

尚書令河南鞏尹勲字伯元天下英藩

河南尹太山平陽羊陟字嗣祖天下清苦

議郎東郡陽平劉儒字叔林天下瑾金

冀州刺史陳國項蔡衍字孟喜天下雅志

激東

潁川太守渤海高城巴肅字恭祖天下卧虎

議郎南陽安衆宗慈字孝初天下通儒

右八顧後漢書無劉儒有范滂

御史中丞汝南石陵陳翔字子鱗海內貴珍

衛尉山陽高平張儉字元節海內忠烈

太尉掾汝南細陽范滂字孟博海內譽謬

蒙令山陽高平檀敷字文友海內通士

洛陽令魯國孔昱字世元海內才珍孔世元

太山太守渤海重合苑康字仲真海內彬彬

友友

激宛宛

儒有四字
在第二行

友

太尉掾南陽棘陽岑暉字公孝海內珍好

鎮南將軍荊州牧武城侯山陽高平劉表字景

升海內所稱

右八友後漢書無范滂有翟超卓

少府東萊曲城王商字伯義海內賢智王伯義

郎中魯國蕃嚮字嘉景海內修整

北海相陳留己吾秦周字平王海內貞良

侍御史太山奉高胡毋班字季皮海內珍奇

太尉掾潁川陰劉翊字子相海內光光

孝

冀州刺史東平壽張王考字文祖海內依怙

陳留相東平壽張張邈字孟卓海內嚴恪

荊州刺史山陽湖陸度尚字博平海內清明

右皆傾財竭已解釋怨結拯救危急謂

之八厨後漢書無劉翊有劉儒

從三君至此並見三君八俊錄

太丘長潁川陳寔字仲弓

寔子大鴻臚紀字元方

紀弟司空掾諶字季方

海內四字
在第三行

州有四字
在第三行
下即接
君等

右並以高名號曰三君見甄表狀及邯
鄲淳紀碑

淳字核



陶靖節集卷之九

文一千九百六十字
詩九百七十三字

陶靖節集卷第十

集聖賢群輔錄下

太尉河南杜喬字叔榮

狀喬治易尚書禮記春秋晚好老子隱居不仕

年四十為郡功曹立朝正色有孔父之風

太常燬煌張奐字然明

狀奐庶方亮直學該群籍前後士徵十要三為

邊將財貨珍寶一無所取矯王孫裸形宋司馬為石椁幅巾時服無棺而葬焉

侍中河內向詡字甫興

狀詡博覽群籍兼好黃老玄虛泊然肆志不慕

時倫積三十年

太傅汝南陳蕃字仲舉

狀蕃瑗偉秀出雅亮無倫學該墳典忠壯蹇諤

又曰明允貞亮與大將軍竇武志

太尉沛國施延字君子狀延清公潔白進士許國臨難不顧名著漢朝

少府潁川李膺字元禮狀膺承三公之後生高潔之門少履清節非法

不言英聲宣於華夏高名冠於縉紳

司隸沛國朱寓字季陵一名詡右一人訪其中正無識知行狀者告本

部訪問耆老識寓云

太僕潁川杜密字周甫狀密清高雅達名播四海歷統五郡恩惠化民

六鴻臚潁川韓融字尤長狀融聰識知機發於岐嶷時人名之曰窮

化兄弟同居至於沒齒處卿相之位且二十年奉身守約不負顧問

司空潁川荀爽字慈明狀爽年十二隨父在公府羣公卿校咸丈人也

或遣進奏或親候從儒林歸使完極篇籍

司空清河房植字伯武狀植少履清苦孝友忠正歷位州郡政成化行

既登三事靖恭在職雖季文相魯晏嬰在齊清風高節不是過也

聘士彭城姜肱字伯淮狀肱稟履玄知立性純固事親至孝五十而慕

學綜六藝窮通究微行隆華夏名播四海

太尉下邳陳球字伯真狀球清高忠貞孝靈中

遇害

司空山陽王暢字叔茂狀暢雅性貞實以禮文身居家在朝節行異倫

徵士陳留申屠蟠字子龍狀蟠年九歲喪父號

齒每至父母亡日三日不食在塚側致甘露白

雉以孝稱州郡表其門間徵聘不就年七十二

終於家

衛尉山陽張儉字元節狀儉體性忠直閨門孝

友臨官賞爵清亮絕俗

大司農北海鄭玄字康成狀玄含海岱之純靈

常師講求道奧敷宣聖範錯綜

其數作五經注義窮理盡性也

徵士樂安冉玘字孟玉狀玘體清純之性蹈高

不就除高唐令色斯而舉時陳

仲舉李元禮仲弓皆難其高風

太尉漢中李固字子堅狀固當順桓之際號稱

名臣大將軍梁冀惡直

醜正害其道桓帝

即位遂死於讒

有道太原郭泰字林宗狀泰器量弘深孝慈真

州郡禮命曾不旋軌辟

-5 215 45 915" data-label="Text">

益州刺史南陽朱穆字公叔狀穆中正嚴格有

-55 215 5 915" data-label="Text">

令政平民和有惠于賤之

-105 215 155 915" data-label="Text">

風上書陳損益辭切情至

-155 215 205 915" data-label="Text">

尚書會稽魏朗字少英狀朗資純美之高亮幹

-205 215 255 915" data-label="Text">

輔國朝忠蹇正直之節

-255 215 305 915" data-label="Text">

播於京師

-305 215 355 915" data-label="Text">

聘士豫章徐穉字孺子狀穉妙德高偉清英超

-355 215 405 915" data-label="Text">

抗名山棲養志浩然有夷

-405 215 455 915" data-label="Text">

齊之高遠伯玉卷舒之術

歎

同書卷

三

三

度遼將軍安定皇甫規字威明

狀規少岐嶷正直之節對策

指刺黃門梁冀不能用退隱山谷敦樂詩書

右魏文帝初為丞相魏王所旌表二十

四賢後明帝乃述撰其狀見文帝令及

甄表狀

太常燉煌張奐字然明

為度遼將軍幽并清節

賜錢除家一人為郎辭不受願徙居華陰故始為弘農人

度遼將軍安定皇甫規字威明

太尉武威段熲字紀明

右涼州三明並著威名於桓靈之世悉

名士也見續漢書

韋權字孔衡

權弟璣字孔玉

璣弟矩字孔規

右太尉掾韋子才之三子皆脩仁義兄

弟孝友逢盜賊一人病不能去兄弟相

慕兵至俱死時人稱之號韋三義見三

輔決錄

荀儉字伯慈

漢侍中悅之父

儉弟緄字仲慈

濟南相漢光祿

大夫或之父

緄弟靖字叔慈

或問汝南許劭靖爽孰賢邵曰

二人皆玉也慈明外朗叔慈內潤靖隱身脩學動必以禮太尉辟不就年五十五

靖

弟壽字慈光

舉孝廉

壽弟汪字孟慈

昆陽令

汪弟爽字慈明

公卓微為平原相遷光祿勳司空出自巖藪九十三日遂

登台司年六十三

爽弟肅字敬慈

守舞陽令

肅弟

粵字幼慈

司徒掾

右朗陵令穎川荀季和之八子並有德

業時人號之八龍居西豪里渤海宛康

知名士也時為穎陰令美之曰高陽氏

才子八人遂改所居為高陽里見張璠

漢紀及荀氏譜

公沙紹字子起

紹弟孚字允慈

北海耆舊傳稱

孚與荀爽共約出不得事貴勢而爽當董卓時脫巾未百只位至司空後相見以爽違約割席

而坐

孚弟恪字允讓

恪弟達字義則

達弟樊字義起

右北海公沙穆之五子並有令名京師

號曰公沙五龍天下無雙穆亦名士也

見魏明帝甄表狀及後漢書

膠東令盧汜昭字興先

樂城令剛載祈字

子陵

穎陰令剛徐晏字孟平

涇令盧

夏隱字叔世

州別駕蛇丘劉彬字文曜

云一

世州

右濟北五龍少並有異才皆稱神童當桓靈之世時人號為五龍見濟北英賢

傳

孝廉杜陵金敞字元休

位至兗州刺史

上計掾長陵

弟五巡字文休

與先之子與先名種司空伯魚之孫各士也不詳巡位所至時

辟太尉掾

上計掾杜陵韋端字甫休

位至涼州牧太尉

右同郡齊名時人號之京兆三休並以

光武元年察舉見三輔決錄

晉宣帝河南司馬懿字仲達

魏司空穎川陳群字長文

中領軍譙朱鑠字彥才

侍中濟陰吳質字季重

右魏文帝四友見晉紀

魏步兵校尉陳留阮籍字嗣宗

中散大夫譙嵇康字叔夜

晉司徒河内山濤字巨源

建威參軍沛劉伶字伯倫

始平太守陳留阮咸字仲容

籍兄子

散騎常侍河内向秀字子期

司徒琅邪王戎字濬冲

右魏嘉平中並居河内山陽共為竹林之游世號竹林七賢見晉書魏書袁宏戴逵為傳孫統又為讚

吳範相風

吳人

劉惔占氣

河内人

趙達筭

河内人

皇象書

廣陵人

嚴子卿碁

名昭武衛尉峻從子

宋壽占夢

十一不

曹丕興畫

為孫權畫屏風畫蠅後張御生權以為真蠅手揮不去

孤城鄭姥相

見王粲於

方知其非也必至師傳後為太子太傅

右吳八絕見張勃吳錄

陳留董昶字仲道

琅琊王澄字平子

陳留阮瞻字千里

一云阮八百即瞻弟字字遙集朝率多通故大將軍王敦

筆墨誤

云方瞻有滅
故云八百

陳留謝鯤字幼輿

穎川庾敳字子高
太山胡毋輔之字彥國

沙門于法龍

樂安光逸字孟祖

右晉中朝八達近世聞之故老

裴徽字文秀

魏冀州刺史

裴楷字叔則

徽第三子

裴綽字季舒

楷弟長

裴瓚字國寶

楷子

裴邈字景初

楷弟欽子太

裴遐字叔道

瓚子太

裴康字仲豫

微弟二子

裴頴字逸

民楷孫季子晉

王祥字休徵

晉太

王戎字濬冲

父渾京州刺史

王澄字平子

衍弟裴綽女

王導字茂弘

從弟丞相

王綏字萬子

戎子早亡

王衍

字夷甫

父又平北將軍

王敦字處仲

覽孫基

大將

王玄字眉子

衍子陳

右河東八裴琅琊八王聞之於故老

魏司空王昶字文舒

昶子汝南太守湛字

處仲

湛子東海內史承字安期

承子

驃騎將軍述字懷祖

述子安北將軍坦之

字文度

魏尚書僕射杜畿字伯侯

畿

子幽州刺史恕字務伯

恕子鎮南將軍預

字元凱

預子散騎常侍錫字世嘏

錫

子光祿大夫又字弘治

右太原王京兆杜各稱五世盛德聞之

於故老夫書籍所載及故老所傳善惡

聞於世者蓋盡於此矣漢稱田叔孟舒

等十人及田橫兩客魯八儒史並失其

名夫操行之難而姓名翳然所以撫卷

長嘆不能已已者也

八儒

夫子沒後散於天下設於中國成百氏之源為

綱紀之儒居環堵之室葺門圭竇甕牖繩樞併

日而食以道自居者有道之儒子思氏之所行

也衣冠中動作順大讓如慢小讓如僞者子張

氏之所行也顏氏傳詩為道為諷諫之儒孟氏

傳書為道為踈通致遠之儒漆雕氏傳禮為道

為恭儉莊敬之儒仲梁氏傳樂為道以和陰陽

慨

凡

二

二

為獲風易俗之儒樂正氏傳春秋為道為屬辭
比事之儒公孫氏傳易為道為潔淨精微之儒

三墨

不累於俗不飾於物不尊於名不伎於衆此宋
劔尹文之墨裘褐為衣跂蹻為服日夜不休以
苦為極者相里勤五侯子之墨俱稱經而背
論不同相謂別墨以堅白此苦獲巴齒鄧陵子
之墨

附錄

靖節徵士誄

宋金紫光祿大夫贈特進顏延之撰

夫璿玉致美不為池隍之寶柱歛信芳而非園

林之實豈其樂深而好遠哉蓋云殊性而已故

無足而至者物之藉也隨踵而立者人之薄也

若乃巢由之抗行夷皓之峻節故齟父老堯禹

錙銖周漢所綿世浸遠光靈不屬至死菁華隱

沒芳流歇絕不吝惜乎雖今之作者人自為量

而首路同塵輟塗殊軌者多矣豈所以昭末景

汎

愈

泛餘波乎有晉徵士潯陽陶淵明南岳之幽居
 者也弱不好弄長實素心學非稱師文取指達
 在衆不失其寡處言每見一作其黜少而貧苦一作
 居無僕妾并白弟任藜菽不給母老子幼就養
 勤匱遠惟田生致親之議追一作悟毛子捧檄
 之懷初辭州府三命後為彭澤令道不偶物棄
 官從好遂乃解體世紛結志區外定迹深棲於
 走乎遂一作灌畦營蔬為供魚菽之祭織絢緹
 而一作以充糧粒之費心好異書性樂澹簡棄煩

柴桑
某之

促就成省曠殆所謂國爵屏貴家人忘貧者與
 有詔徵著作郎稱疾不赴春秋六十有三元嘉
 四年月日卒於潯陽縣之某里一作柴桑里近識悲
 悼遠士傷情冥默福應嗚呼淑貞夫實以誅華
 名由謚高苟允德義貴賤何筭焉若其寬樂令
 終之美好庶克已之操有合謚典無愆前志故
 詢諸友好宜謚曰靖節徵士其詞曰
 物尚孤一作特生人固介立豈伊時遘曷云世及
 嗟乎若士望古遙集韜此洪族蔑彼名級睦親

爵

早

德
惟

之行至自非敦然諾之信重於布言廉深簡潔
 貞夷粹溫和而能峻博而不繁依世尚同詭時
 則異有一於此而兩一作非默置豈若夫子因心
 違事達理一作畏榮好古薄身厚志世爵虛禮州壤
 推風孝惟義養道必懷邦人之秉彝不隘不恭
 爵同下士祿等上農度量難鈞進退可限長卿
 棄官稚賓自免子之悟之何憚之辯賦辭歸來
 高蹈獨善亦既超曠無適非心汲流舊巘章宇
 家林晨煙暮靄春煦秋陰陳書綴卷置酒絃琴

居備勤儉躬兼貧病人否其憂子然其命隱約
 就閑遷延辭聘非直也明一作明也是惟道性糾纏
 幹流冥漠報施孰云與仁實疑明智謂天盖高
 胡讐斯義履信曷憑思順何寘年在中身疾瘳
 疴疾視化如歸臨凶若吉藥劑弗嘗禱祠非恤
 僚幽告終懷和長畢嗚呼哀哉敬述清一作節
 式遵遺占存不願豐沒無求瞻省訃却賻輕哀
 薄斂遭壤以穿旋葬而窆嗚呼哀哉深心追往
 遠情逐化自爾介居及我多暇伊好之洽接關

作纏

作關

隣舍宵盤晝懃非舟非駕念昔宴私舉觴相誨
獨正者危至方則礙哲人卷舒布在前載取鑑
不遠吾規子佩爾寔愀然中言而發遺衆速尤
迥風光蹶身才非實榮聲有歇微一作音永矣
誰箴余闕嗚呼哀哉仁焉而終智焉而斃黔婁
既沒展禽亦逝其在先生同塵往世旌此靖節
加彼康惠嗚呼哀哉

北齊楊休之序錄

余覽陶潛之文辭采雖未優而往往有奇絕異
語放逸之致棲托仍高其集先有兩本行於世
一本八卷無序一本六卷并序目編比顛亂無
復闕少蕭統所撰八卷合序目傳誄而少五孝
傳及四八目然編錄有體次第可尋余頗賞潛
文以爲三本不同恐終致忘失今錄統所闕并
序目等合爲一帙十卷以遺好事君子

宋朝宋丞相私記

右集按隋經籍志宋徵士陶潛集九卷又云梁
有五卷錄一卷唐志陶泉明集五卷今官私所

行本凡數種與二志不同有八卷者即梁昭明

太子所撰合序傳誄等在集前為一卷正集次

之亡其錄有十卷者即楊僕射所撰按休之字

齊為尚書左僕射以好學文藻知名與魏收同時按吳氏西齋錄有宋

彭澤令陶潛集十卷疑即此也其序并昭明舊

序誄傳等合為一卷或題曰第一或題曰第十

或不置於集端別分四八目自甄表狀杜喬以

下為第十卷然亦無錄余前後所得本僅數十

家卒不知何者為是晚獲此本云出於江左舊

書其次第最若倫貫又五孝傳已下至四八目

子注詳密廣於他集惟篇後八儒三墨二條此

似後人妄加非陶公本意且四八目之末陶自

為說曰書籍所載及故老所傳善惡聞於世者

蓋盡於此即知其後無餘事矣按四八目例每

疏所聞或經傳所出以結前意此故今不著輒

別存之以俟博聞者廣平宋庠私記

書靖節先生集後

梁鍾記室嶸評先生之詩為古今隱逸詩人之

宗今觀其風致孤邁蹈厲淳源又非晉宋間作者所能造也昭明太子舊所纂錄且傳寫寔訛復多脫落後人雖加綜緝曾未見其完正愚嘗採拾衆本以事讎校詩賦傳記贊述雜文凡一百五十有一首洎四八目上下二篇重條理編次爲一十卷近來嘉周仲章太守枉駕東嶺示以

宋朝宋丞相刊定之本於疑闕處甚有所補其楊僕射序錄宋丞相私記存于正集外以見前後記錄之不同也時皇宋治平三年五月望日思悅書

靖節先生江左偉人世高其節先儒謂其最善任真者方其爲貧也則求爲縣令仕不得志也則掛冠而歸此所以爲淵明設其詩文不工猶當敬愛况如渾金璞玉前賢固有定論耶僕近得先生集乃群賢所校定者因鋟于木以傳不朽云

紹興十年十一月 日

書

陶靖節集卷之十終



